

A1^v

Dem erē amen vñ wolweifen herren
Lodewico hörnecken burger/ vnd namhafftigen buchfürer tzu
Leipßgk feinem befundern freunde/ Entpeut ich bruder Michel
Henchenn Ciftercier ordens deß clofters zur Celle gehorßamer/
warhafftig geluck vnnd feligkeyt.

¶ Wywol alle fundt dem menfchen fchedlich ift/ fo alltzey.
groffen anhang vñ nachuolung dy fundt hat/ ßo ift vnder den
andern eyne auß den größten dy trunckenheit/ auß welcher vil an-
dere fundt entfpringen/ als vnreynikeyt/ morderey ꝛc. Derhalbē
haben dy lieben heyligen faft ßere geprediget widder diße funde/
vnder welchen in befundern/ der heilige Auguftin⁹ vnder andern
feinen leren/ gar fchoner zwu Prediget hat gethan/ in welchen
er vormanet/ vnderweißet/ lernet/ wye man fal vormeyden dye
trunckenheyt/ welche Prediget auß vil frommer menfchen biht/
hab ich tzu deutlich gemacht/ mit gemeynen worten vmb d⁹r eyn
feltigen willen/ Diße Sermō ich lang vorhalten/ durch begir vil
frömer vorurfacht an tag zugeben/ das ein yder willen möge/
was lafters dy trunckenheyt in yr hat/ vñ eynem erentreichen tzu
tzu fchreiben/ der entlediget von trunckenheyt tugentfam fey/ vñ
folche Prediget vnder dy leut möge brengen. So ich nu befinde
folche tugent vnd vormögen in euch mein lieber herr Lodwigck
vor ehre ich euch mit folcher cleyner fchrifflicher gab vnnd ar-
beyt/ bitte/ folche wollet gutlich auffnemen/ ßo ich befinde/ di
fe euch behagen/ werdet ir mich verurfachen in folcher weiß mer
tzu deutlich machen/ Got zu lob vnd ehr/ vñ vnßerm neehften
zu feligkeyt Amen.